

ՀԱՆԴԷՍ ԲԱՆԱՍԻՐԱԿԱՆ

ԿԱՅԻՈՍ ԳՐԱԿՔՈՍ

ՈՂԲԵՐԳՈՒԹԻՒՆ ՎԻՆԿԵՆՏԻ ՄՈՆՏԵԱՅ

— (ՏՆՍ ՀՍՏՈՐ ԽԵ. ԿԶ ԶԶԶ) —

ՀԱՆԴԷՍ ԵՐՐՈՐԴ

ՏԵՍԻԼ ԱՌԱՋԻՆ

ԿՈՌՆԵԼԻԱ. ԼԻԿԻՆԻԱ ԵՒ ԿԱՅԻՈՍ

Կոռնելիա

Որդեակ իմ, ցածո զսրտմըտութիւնդ, դարձ 'ի քեզ.
Յիս, որդեակ իմ փարելի. ակն 'ի ցաւոց մայրական
Եւ հարսինդ ածջիր, զոր արդ, տես, լուծանի յարտասուս.
Մի քեզ 'ի գըրկաց աստի 'ի բաց խուսափել...
Հայեաց, անողորմ, ահա ես ինքն աղաչեմ:

Կայիոս

Ա՛խ, մայր իմ...

Կոռնելիա

Տիր, մի այդքան դու խրոխտ, որդեակ իմ,
Սուներ ինձ պատասխանի. քաւ, ոչ են կամք ինձ ըզքեզ
Առ ապիրատ քոյդ 'ի գուլթ...

Կայիոս

Մի դու զճիւազն այն յիշեր.
Քաւ յինէն ըզկատաղիդ դժոխոց 'ի քոյր ինձ ունել.
Հիմ զերկաթն 'ի ձեռաց իմոց 'ի բաց կորզեցեր,
Ընդ երակսըն նենգաւոր մինչ զնայր լինել խորամուխ...

Ո՛հ, դու յիմա արդ զայն մըխեա և ըսպանջիր զիս աստէն :

Կոռնելիա

Աղէ, քաջ խորհեաց. եղեւոքն նորին չէ ինչ յայտնի,
Ապաշաւ իւր և սոսկումն առ մեզ՝ ընդ ֆեստ մեղանացն՝
Առաւել քան զհաւաստիս գործոյն՝ ՚ի վեր զայն հանին.
Դեռ թագուն կայ, յայտնեացես՝ յածել նըմին պատուհաս,
Ինքնին՝ զկեղտ վատութեան զորոյմեալ յանունդ առ ՚ի քէն,
Յայլում ամենայնի կարծիցես դու զիմ՝ բազուկ
Ապիկար ՚ի ճօճել գերկաթն. և ուր կայցէ հարկ
Առ ՚ի վրէժ պատուոյ՝ մըխել զայն և որդւսցս իսկ ՚ի ծոց:
Յիս ՚ի ներքս աստ գիտա ինձ սիրտ՝ թէ ոչ խրոխտագոյն
Տի քաջ իսկ առաւել սէգ քան ըզքոյդ. այլ գլուխս այս,
Գըլուխս իմ՝ այս, որդեակ, է հովագոյն ՚ի խորհել,
Եւ ուշիմ զգծութեամբ վարեալ զզայրոյթ բարկութեան՝
Շեշտ առ նըպատակն ուղղէ զընթացքս նորին:
Ի բաց կացցէ ՚ի մէնջ հապ՝օն բանից աստ պայքար.
Եւ անսալ քեզ աղերսեմ ձայնիս. զի այլ իմն իրաց
Եւրպարանք են արդ, և այլ խորհըրդոց պարտ է լինել:
Համախումբ գումարելոյ ամբոխին մերձ հասեալ ժամ,
Բեկոնեանն ՚ի տաճարի խորմեալ կայ ժանտ ծերակոյտն.
Ի խհերս եղերանց, քինախընդիր վըրիժուց՝
Ձիւն ՚ի սորս անդ դարանեալ կընքեն, թէ ոչ ըզմահ քո:
Ծանրագին են ժամք, և ոչ ՚ի դէպ զայն յողբոս ծախել:
Ա՛ռ քեզ միւսանգամ հապ՝օն ըզքոյդ արութիւն,
Ամրակու զայն ըզսըրտիւրդ բուրեալ պընդեանիւր.
Կերադոյն կենաց՝ զանձին կայ ըզպատիւ, զհայրենիս:
Ե՛րթ, որդեակ. զինչ և կուպեալ հրամանք ըզքէն տան վըճիւ,
Մի՛ յամօթ ըզքեզ և զմայրդ առնել:

Լիկիկիա

Եղուկ, ո՛հ, զինն :

Կոռնելիա

Լըսեմ զողորմագին քո հեծեծանս, ո՛վ դուստր իմ,
Այլ յամօթ զայն գիտաջիր Գրակքեայ հարսին, հռովմուհւոյդ:

Լիկիկիա

Արութեան հռովմայեցւոյ թէ զըժպըհիք են արտօսը,
Թէ օրէնս ինձ տայ՝ զձայն հեղձուցանել զընդութեան,
Եւ զանց ըզսըրբազան առնել պարտութ զամուսնոյ,
Է իսկ զիղջ ինձ, օն և օն, հռովմայեցի ծընանել:
Արտասուք իմ ըզքեզ, մայր, և քոյդ վայրագ արութիւն

ի թախիժ զիս արկանէ . իցէ ինձ հնար տեսանել
Առ 'ի մահ անհրկիւղ ըզքեզ զորդիդ խրախուսել,
Զսրդիդ քո զայս՝ հոգւոյս իմոյ հոտոր սերտադիւն,
իցէ՛ ինձ տեսանել, մէ, և ժուժե՛լ արտասուաց :

Կոռնելիա

Կամիցիս ուրեմն ապա ինձ վատութեան տալ խորհուրդ .
Կամիցիս՝ Կոռնելիայ . . .

Լիկիճիս

Մայր լինել . զայլ ինչ ոչ կամիմ .
Զինչ այլ վեհագոյն և սուրբ անուան կայցէ մօր ,
Որ 'ի խորս արկցէ հոգւոյ խանդաղատանքս գողորիկ ,
Երևա երկնեցեր . զմին պատրելաց կորոյս քէն ,
Փառաց լուսոյ տոհմիդ ած միւսն ըստուեր եղբրամբ :
Երրորդս եեթ այս քեզ մընայ . և նմին իսկ զեռ ևս
Նրմին իսկ բուռն առնես կոխել զուշին մահագոյծ ,
Վըշտաց լոկ անձկաւէտ և չարաբաստ աղիտից .
Մայր իմ , արութեան աղէ հանգէս իցէ այս .
Ո՛հ , 'ի սէր խողխողելոյ որդւոյդ՝ յաճիւն նուիրական ,
Լեր պատճառ կենաց եղբօր նորին և իմ ամուսնոյ ,
Բերկրանաց՝ տարածամ թախծեալ աւուրցդ . այրութեան ,
Եւ հուսկ ակընկալեացն Հռովմայ՝ նըշոյլ յուսովառ :
— Եւ գու , սէր իմ , դարձիր , դարձ խորհրդոցդ 'ի մըտաց .
Մի՛ նըկուռ քեզ զօրութեամբ՝ ճակատագրին դէմ կըբրէլ ,
Մի՛ 'նդ վայր 'ի հանդիսին զոգիդ 'ի բռին արկանել .
Գիտես քաջ զայն ոյր արեամբ ներկեալ , յորոնց ձեռանէ ,
Ոյց , աւաղ , ծարաւահիւծ ոյժմ և քոյումի իսկ արեան ,
Նոյն այն ձեռք սրբեալ զգալոյնն ունին սըրաիդ քում՝ ընդդէմ :
Մի՛ քեզ ընդ առաջ նոցին գընալ , աղէ մի
Ինքնին դո՛ . 'նդ հարուածովք նոցին ըզլանջօդ արկաներ :
Ո՛հ , մի՛ քեզ վիճակել , բուռն առնել քում՝ լըծակցիդ՝
Տիբերեայ թափառական յածեալ յափուռն ողորմուկ ,
Զալիսն ողբեմ զըթալ , առ իս տալ 'ի դուրս
Ըզդիդ՝ անդընդակուլ :

Կայիոս

Ո՛վ գու , զայր նախ ըզըրթանց
Զառաջին զաստուածական սիրոյ զհամբոյր ընկալայ ,
Ում ետու և տաց ըզթուռնդ սըրտիս ըզնախն և ըզհուսկ ,
Մի՛ քեզ արդ արտասուօքդ այդ զարութիւնս իմ մեղկել .
Եւ մի՛ գիմամարտ պատուոյս , թէ՛ զիս սիրիցես ,

ինքնին դու հեծուկս առնել՝ որդովքդ ինձ ճըգնիր :
Շատ իսկ դառնագոյն և կարեւիւր ես ցաւօք
Պարտասեալ դընիմ՝ և խոց, ցաւօք... այլ զի՛նչ շահ օգտի...
էջ յանուն իմ վատութեան կեղտ, և առեամ՝ ես ըզկեանս :

Լիկիւնիա

Եղճակ ինձ :

Կաշիոս

Արիացիր, Լիկիւնիա, լեր դու քաջ,
Եւ դիպող քեզ ՚ի ժամուս կալլիր խորհուրդս և ոգի :
Թէ թըշուառ կենացս յաւարտ զօրս այս երկինք կընքեցին,
Ոչ ուրոց և արտասուաց ՚ի քէն խընդրեմ ես ըզտուրս,
Որ զըստուեր իմ ցաւագին գործէ մահուն ՚ի ստորմիս .
Այլ սիրել զիս աղերսեմ՝ և կենդանի ունել միշտ՝
Յարեւ փարելի որդւոյս . և զինքն հապըստէպ
կալեալ զձեռանէն՝ ածել առ դուրըս շիրմիս,
Տալ սրբուել լիաձեռն ըզնովիմբ փունջըս ծաղկանց,
Եւ յաղու բարբառ մանկան կարգալ զըստուերն հայրենի .
Խայտասցէ շիրմին ՚ի ծոց, ոգևորեալ աճիւնս իմ՝
Նոր կենդանացի բարեպաշտիկդ յայդ հանդէս :
Եւ դու զՏօրըն պատմեալիր յայնժամ զարկածս աղիտից,
Ձի ուսցի զառաքինի գործոց զհանդէս արութեան .
Գողջիր որչափ վեհագոյն ըզհայրենեաց կալայ սէր,
Եւ թէ որպէս հայրենեաց վասն և ըզկեանս իմ՝ ետու :
Ասասլիր զի և եկաց ինձ հարազատ հոյակապ,
Անկեալ և նա առ նոյն նըպատակաց կէտ չընեաղ .
Այլ մի ասասցես, ճհ, զի և քոյր ինձ եղև .
Ազէ մի նըմին ՚ի վեր հանցես, գոգցես ևս առ նա
Եթէ մուսս եգիտ եղեան ՚ի Գըրաղքեանց անդր ՚ի տոհմ,
Եղեռն սոսկալի յոյժ, և եղեռն, ճհ, անվրէժ :

Կոռնելիա

Ո՛հ, զի է քեզ, որդեակ, գուն գործել դառն այսքանի
Աղէկէզ յիշատակօք և զիմն ընկճել արութիւն...
Ձիւ ուրմըն խընդրիցես . բուն յարտասուս վատութեան
Եւ մօրդ ինքնին առնել . այո՛... անգութ... կալար զայն :
Զիմոյս Տիրերիայ տեսի զմարմինն յօշատեալ,
Փարեցայ զնովիմբ բազկօքս այս, և ձեռօքս իսկ այսուիկ՝
Ըզվէրսըն պատեցի, համբոյր նոցուն մատուցեալ,
Այլ ոչ լացի . այո՛, այո՛, առանց արտասուաց
Ձայնքանոյ ինձ սիրերիս զկեղ տանջանացըն տեսի .

Այլ 'ի յուշ դառնաղէտ նըշաւակի սերընդեանս ,
Ոչ եւ այլ հանդարտեն բիրք աշացս , եւ սիրտ իմ փըղձկի . . .

ՏԵՍԻԼ ԵՐԿՐՈՐԴ

Քարոզ ոմն առեալ բերէ զվճիռ ծերակուտին , եւ կախէ զայն զսեամբ .
Խուռն դիմէ ժողովուրդն անդանօր ընթեռնուլ . յորոց միոյն մատուցեալ
առ ԿՍՑԻՈՍ՝ համակեալ 'ի սուգ եւ ընկճեալ 'ի վշտէ ցաւոցն , եւ ցնցեալ
զզգեստուց նորին՝ ասէ .

Քաղաքացին

Դրակքէ , Դրակքէ . վըճիռ ծերակուտին , ոչ հայիս .
Մատիւր եւ ընթերցիր :

Կայիոս (մատուցեալ եւ ընթեռնու) :

« ՓՈՅԹՔ ԻԸՆԱՄՈՑ ԲԸԴԵՇԻՒՆ՝
ՀԸՍԿԵՍՑԵՆ ԿԱՐՃԵԼ ԶՎԸՆԱՍ ՀԱՍԱՐԱԿԱՅ ՊԵՏՈՒԹԵԱՆ » :

Քաղաքացին (սեղմելով գաշ կայեալ)

Ըզգոյշ կաց , տարաբախտ . դաւ է վըճիռն այն կենացդ :

Լիկինիս

Ո՛հ , զքե՛նչ լուայ :

Կայիոս (աս քաղաքացին)

Տեսանեմ զայն , եւ շնորհ զքէն ունիմ ,
Ազնիւ քաղաքացիդ . դու , եթէ ոչ պատրիցիմ ,
Թըւիս ինձ կու ինտիլ :

Քաղաքացին (խառնի յամբոխին)

Եւ բարեկամ քո . քաջ լեր :

Կոռնէշիս

Դարձ , որդեակ . բազմաժողով ահա 'ի խռան ամբոխին ,
Տես զի՛ տյսօր սիգապանծ Ոպիմիոս մերձենայ .
Թափեալիւր զլիճմբիրդ . եհաս ժամ՝ քաջասիրտ արու թեան :

Կայիոս

Ե՛րթ . մի ինչ երկիցես :

Կոռնէշիս

Տո՛ւր առ իս զաջ քո :

Կայիոս

Կալլեր .

Տես թէ դողայցէ :

Կոռնելիա

Ոչ, ոչ գողայ. աջ որդւոյս
է այն. և հաւաստի գործէ՝ զի չև ինչ պատուոյդ
նախատինս ամեալ՝ գիտես դու մեռանել. դո՛հ եմ ես :

Կայիոս

Ողջամբ կ'աճց, Լիկինիա... բարեաւ մնա՛... գիրկս ամ գինև .
Խէ համբոյրս այս ոգեխառն... եթէ բախտին ինչ հրաման...

— Մայր իմ, եղկելւոյս այսմիկ խընամ տար, լեր զօրավիզն .
Այժմէն կորուսանէ նա զճանաչումն իւր. ողջ լեր .

Ի քեզ ապաստան առնեմ՝ ըզհարսն և զօրդի :

« Կոռնելիա մեկնի՛ ունելով զԼիկինիա դանդաչոտ. մինչդեռ Կայ-
իոս առաջի անդրեայ արձանի հօրն զԿայ առեալ, ասէ »

Որ 'ի սիրտ իմ ձայն զանխուլ աստ 'ի վիմէս բարբառիս ,

Ով ծընողդ իմ դու անյաղթ , իմանամ : զո՛հ եղիցես .

Կամ ազատ հրոչակեցի Հռովմ 'ի սմին յայսմ աւուր ,

Կամ ըստուեր սին հուպ ընդ հուպ և ես ըզք փարեցայց :

ՏԵՍԻԼ ԵՐՐՈՐԴ

ՈՊԻՄԻՈՍ, յառաջոյ ունելով զնուիրակս, եւ ուղեկիցս՝ զԾերակոյտն .
ԴՐՈՒՍՈՍ եւ այլ տրիբունք. ՓՈՒԼՈՒԻՈՍ խառնեալ յամբոխի ժողովը-
դեանն որ կուտի յամենայն կողմանց, եւ ԿՍՑԻՈՍ :

Ոպիմիոս

Ո՛ Հռովմայեցիք, ժողովըրդեան փըրկութիւն

Ի վտանգի կայ, թոյլ տուք ինձ խօսել առ ձեզ :

Ժողովուրդն

Խօսես՛իր :

Ոպիմիոս (Ելանէ 'ի բեմն)

Իրաւանցն աստուածային օրէնք և բաշխք հրամոնաց ,

Եւ փառք մեծաշուք ատենակալ ժողովոյն ,

Վեհագոյն քաղաքացւոյ Հռովմայ անուն գերապանծ ,

Ում ոչ ինչ 'ի կըշիւ գայցէ 'ի ծագս աշխարհի ,

Սըրբազան սահմանք՝ յոր մէն միում են գոյք յակաստան ,

Հուսկ և ամենայն իշխանութեանց պահպանիչ՝

Առտընին խաղաղութիւն , դժժընդակ նոր օրինգ՝

Վըրդովեալ կան առ 'ի մահ , խընդրեն դարմանս հնարակերտ :

Կարևոր յոյժ նիւթ խօսիցս . այլ կարեւիւր ևս այնքան

Սիրտ իմ խոց դընի ցաւօք , զի և բանիցս իսկ հանդէս՝

Քաջ 'ի բաց մընասցէ քան զմեծութիւն ճառելեացս :

Արտասուել, կուրիրինեանք, քան թէ խօսել կամ աստէն,
եւ ում արդարն ժուծեսցեն աչք ապառումք՝
Ըզլեհին հռովմայեցւոյ խորհելով զառնըն կորուստ,
Շիջմա մեծն այն և արդարն, անյաղթելին Սկիպիոն,
Եւ զոյգ ըմբին շիջեալ խաւարեցաւ լոյս Հռովմայ,
Այլ էր գիտել ումեք գէթ արդեօք ձեռն ամբարիշտ,
Կամ թէ աջ աստուածոց եհատ ըզլեհ զայս անդին

Փռչոյնիոս

Ջարտուղի խոտորիս ընդ առաջարկդ, սլ բըդեաշխ.
Դարձ 'ի նիւթ բանիցդ արա:

Ժողովոյնդն

Ի նիւթն 'ի նիւթն արա դարձ:

Ուպիմիոս

Իմանամ քաջ՝ զի մահու անշնչացեալ գիւցաղին
Իւ սոսկ յիշատակ ոյսրէն՝ դողումն է ուրուք.
Այլ խօսել հանդերձեալ իմ զամպարիշտ օրինաց,
Ջառաջինն յարդարոյ առնէն 'ի բաց խոտեւոց,
Յաւէ ինձ զի շիջեալ կայ կըշտամբող ձայն նորին,
Յոյր 'ի կեանս՝ ազատութիւն հայրենեաց կայր գեռ յոտին,
Եւ լուռ կորակոր՝ որ 'ի կորուստ զայն ածէն:

— Ո՛ւր կայցես, Գրաւքէ. ե՛կ երեսաց յատենիս.
Ջօրինաց քոյին խօսիմ, խօսիմ աստ դէմ յանդիման
Ամբոխի ժողովըրդեանս, որում մատնիչ յայտնեցար,
Իղծեր դու զհինաւորց ատեան Տեմեայցըն վեհից,
Ըզլըլիւ նոցին առ քո երեքարիւրսդ տւանդեալ:
Իւ զինչ աղէ շահուց անտի օգուտս ընկալար.
Ջայն քեզ ես ասացից. զազատութիւն եղբրանց.
Ձի որ ինչ քան զեղեռն 'ի Հռովմա՝ ազատ կայ այսօր,
Եւ գրեցեր յանուն Հռովմայ քաղաքացւոյ, յանուն վեհ
Քան զանուն արքայական, զոյս. ըզգերիս. և զորքան.
Բիւրաւորս. և առ իմէ. առ 'ի գրուեայս բուռն ամեալ՝
Բըռնաւոր և հայրենեաց համայն ժըմերտ իշխիցես:

Կայիոս (յարձակելով 'ի բեմն)

Առ իս բըռնաւոր. էջ, էջ, սըտուկ դու, 'ի վայր,
Եւ քեզ տաց պատասխանի:

Ուպիմիոս

Իմ են բեմիս իրաւունք,
Ո՛ր Հռովմայեցիք. ազատ ըզբանս իմ խընդրեմ:

Առաջին քաղաքացի
իրաւունքս նա խընդրէ . ազատութիւն ճառելեաց :

Կայիտս

Այլ սըտէ . . .

Ժողովուրդն

Ազատութիւն խօսից :

Դրոշմոս

Ի բաց կայ , անմիտ ,
Հնազանդեաց . յատենի աստ ժողովուրդն է իշխան .
Եւ խօսից՝ լի համարձակ ազատութիւն պարգևէ .
Լուռ լնր . քեզ յանուն նորին զայդ ես պամպատուէր :

Կայիտս

Ո՛վ զսյրոյթ :

Երրորդ քաղաքացի (մեղմով առ Կայիտս)

Անըզգոյշդ , արկ սանձ ցամամնդ տարագէպ ,
Թէ լռուել տալ գուն գործես՝ կորնչիս , ոչ տեսանիս :

Ոպիմիտս

Առ քեզ վերըստին , առ քեզ են բանք իմ , Գրակքէ :
Պատրիշ ամբխի ժողովրդեան զքեզ ձայնեմ ,
Այո՛ , զքեզ եւթ , և ակն յայտնի ցուցանեմ :
Դու զըրգուեալ յարուցիր զխոտորենեանն զօրէնս ,
Ոյր յուզեալ դարձադարձ , և մերժեալ միշտ ետ ընդ ետ ,
Ընդ երիւր և առաւել դարուց շըրջանս անդադար ,
Կեղեքեալ խորխոյէ ցանգ ըզգառնացեալ սիրտ Հռովմայ :
Այլ Կուք , Կուիրինեանք , յակճիւս առ իս կացէք , ծն ,
Լըւարուք զաղետալիր արդիւնս անմիտ օրինացս
Եւ քրտամնեալ սոսկացարուք : Հապ'ոն 'դ քաղաքս ընթասջիւր ,
Ընդ վեհս այս գերապանծ իշխանուհի աշխարհիս ,
Եւ զինչ անդ տեսանէք . — ըզծերակոյտն անարգեալ ,
Ըզկեռնա և զօգի հասարակաց պետութեան .
Երկպառակ յուզմամբ հերձեալ զքաղաքացիս համօրէն ,
Ի շողմբս արտկանաց եղծեալ զեղծեալ զժողովուրդն ,
Եւ դըժնեայ երազովք գերագունին բարութեանց՝
Ի խոհերս աղիտից անդ խորամուխ ընկուզեալ ,
Ըստրուկ ապիրատից գըտեալ , ըստրուկ և անձին :
Եւ ոյր գործոցս հանդէս . Գրակքեայ . այլ ոչ այս եւթ :
Ընդ դաշտս ընթացարուք . և զինչ անդէն տեսանէք .
Ձիրաւունս ամանակաց , յոր կանդաղին սըբբանուէր

Ըստացուածք անձնիւր՝ բարձեալ. ոյց տեսաք վտարանդի՝
 ի նանիր բառնան բողոք առ օրինացն իրաւունս .
 խանգարեալ դաշինք համայն, և անըստոյգ կան սահմանք .
 Անըստոյգ օժիտք հարսանց, և զըլխովին անըստոյգ .
 Հարց ժառանգութիւն. կան ցրուեալ յօդս անպատկառ .
 Ածինք նախահարց, և զհինաւուրցըն շիրմաց՝
 խռովեալ զոգուցըն սուրբ դամբանականն ըզհանգիստ .
 Եւ ոյր գործոցս հանդէս. Գրակքեայ . այլ ոչ այս և եթ .
 Ընդ բանակն ընթացարուք, ի զօրականն աչս արկէք,
 Եւ զինչ անդ նըշմարէք. մեղկ և մալի և պղղերդ՝
 Ըզյաղժողսն յԱփրիկէ, ազգաց ազգաց Ասիոյ .
 Ըզփառացըն բոց-շիջեալ իսպառ ի կուրծս անդ իւրեանց,
 Փախուստ ի զինուց հնարի արբուն մանկութիւն
 ի բաց ըզլատինեանսն լըբեալ փառքս դրօշուց .
 Վըճարեալս հուսկ ուրեմն ըզգօրականն ի կարգաց,
 ի տար ըզնոքիմք վազեալ՝ զգըլխովք ուղղութեանց,
 Եւ ընդէր, զի անդաստանք առ ժողովուրդըն շնորհեալք՝
 ի բառնալ անդ ըզպիտոյս կարօտութեան ամբոխին,
 Աւ եբարձ զըլխովին և զլաւութիւնսն ի նմանէ,
 Ըզէր աշխատանաց, ի տառապանս անդ ժուժալ,
 Ըզյարգանս առ զօրավարն, և զամենայն ինչ հակիրճ՝
 Որ ահեղ զհռովմէականն երբեմն առնէր զինաւոր,
 Եւ ոյր գործոցս հանդէս, ոյր... և ասել իսկ չիք հարկ .
 Քաջ իսկ սիրտդ առ ձեզ՝ մընչեալ ինդ այսքան օճիրս՝ պատմէ

կայիտս

[զայն]

Մի ևս այլ, Հռովմայեցիք, կամիմ, և ինձ տուք խօսել :

Ոպիմիտս

Չե յաւարտ խօսիցս հասի . առից ասել և զոր մնայն,
 Ըզվըճի իւր աստանօր տացէ և Հռովմ՝ զայնցանէ .
 Էր հարց մերոց նախնեաց կընքեալ մահու պատուհաս՝
 ի գլուխ դատարկապօրտ քաղաքացեաց համբոյն .
 Այլ ումեք այժմիկ զայսմանէ փոյլք են խնամոց,
 Իսկ ո՞ր առաքինի բարբառ կոչեաց զայն ի կեանս .
 Անգործ կայ գաւազան համարակալ իշխանաց,
 Թափուր մընան զահոյք ատենակալ որերոյն,
 Եւ յանարգ շահավաճառ մատնեալ օրէնք իրաւանց,
 Ո՛հ, ո՞ր ուրեք արդարըդ գըտանիս արդ Պիստն,
 Ո՛ւր ճըշմարտութեան քարոզդ ի մէջ զանխլացեալ .
 Յարիսեան դու այժմ ի գաշտս տախկանքս մըրցիս,
 Հեղքնիկ դափնեօք պըճեալ զվարպըդ, բուրմամբ Ասորոց .

Երանի՛ չըքնաղ բասսիդ, զի առ 'ի մէնջ 'ի բացեայ,
 Գուչակ եղելոյ չարեացըդ ոչ կառ 'ի գէտ:
 Ոչ ըզձեռսըն զայնոսիկ տեսանիցես դու այլ ևս,
 Ոյց մըղեղ զնումանտիա գործեալ թողին անպարիսպ,
 Եւ 'ի հուր զկորընթոս դատեալ, յաւեր զկարբեղոն,
 Ի չըլթայս ձըգեցին վնլեքսանդրին պայազատ.
 Ըղբուամբ ըզՅոյնս ամեալ և հինգհարիւր քաղաքաց
 Իշխող 'ի գուռառն ասիականս ամբարձան.
 Այո՛, զաջսն զայն ռազմիկ՝ արեակէզս յԱփրիկէ,
 Կըլթոտս այժմ՝ և կընատ և դողդոշունս առ 'ի գործ,
 Սուրուրեան կտպելայց 'ի գինեբրուս մեղկացեալ,
 Բաժակս ընդ սուտերաց փոխանակել առ 'ի զէնս:
 Այլ 'ի զէն, 'ի զէն ահա հընչեն ողջոյն Արսելք,
 Ի զէն Նումիդիա հրակէզ, 'ի զէն Գերմանիա,
 Ահ՝ աստի դռոթէ Միհրդատ, անտի Բուգուրթ նենգաժէտ,
 Ի թիկանց հրոսեն կիմբոյց փոթորկալից դունդ ահեղ,
 Ազգ ժանտ, անկարեկիր, ոյց քաջավարժ առ 'ի զէն՝
 Ծաղու զմահուամբ եկեալ, վարէ զսուտեր 'ի մարտի:
 Իսկ, եհէ, անմիտքըս մեք, մեք կուրամիտ զաչացուք,
 Մատենաքս յաւերժ 'ի խաղ աղմըկայոյզ վըրդօվիս,
 Մեք ցոր վայր դեռ յանհոսս 'ի վիհ վտանգաց նընջիցեմք,
 Յոր վայր ժոյժ բերիցեմք նախատանաց անմըտիս:
 Պաշտելիդ իմ հայրենիք, տուն սըրբավայր աստուածոց,
 Ո՛վ գահ գերամբարձ աստուածական ուղղութեանց,
 Ի ծոցի քում տանիս մարտ, մարտ արտաքոյ զքեզ ճըգնէ,
 Մարտ, աւեր և կոտորած շուրջ ամենուստ պատին զքե.
 Իսկ կայցէ դեռ կենդանի՝ որ 'ի կորուստ ամէ զքեզ...
 Վահ, զի ոչ կենդանի եկի, այլ լի ճոխաբար
 Բարձրավիզ ընդ պողոտայս ճեմի, յԱտեանս յաճախէ,
 Պատրէ զժողովուրդն, և մինչ յափանց Ափրիկայ
 Այսրէն ահա դիմեալ դայ կեղեքել զսիրտ քոյին...

Կայիոս

Շատ իսկ խօսեցար. լուարուք և ինձ, Կուիրինեանք:

Գրուստոս

Մի լըսէք, ժողովուրդ, նենգող բանից մատնըչիդ,

Մի թոյլ տայք բարբառել:

Կէս մի 'ի ժողովրդեանէն

Քաւ, լըւիցուք և Գրակեբայ:

Միւս կէս ժողովրդեանն

Մի. մատնիչ է Գրակեբոս:

Առաջինքն

Ոչ. լուիցութեան և Գրական
Վերջինքն

ի Տարպեանս հասկ' օն Գրականութեան :

Գրականութեան

Ո՛հ աստուածովքն , աղէ յիս ,
կուրիքնեանք . լուարութեան և ապա սպանջիք զիս :

Եւր մի 'ի ժողովրդեանէն

Ո՛հ , լուիցութեան , լուիցութեան , եղբարք . յամբոխմանէդ ցածերութեան ,
Ունկըն դիք . գործ անպատեհ է ձեզ կընքել զոք 'ի մահ ,
Զև լուեալ ինչ 'ի նմանէ , և մանաւանդ 'ի Գրականութեան '
ի մերմէ բարերարէս :

Առաջին քաղաքացի

Այլ օն իցէ ևս ոսոխ

Օրէնք են լրսել նմա , և կալ համր 'ի բանս '
Ոյր ըզձայն իւր 'ի վաճառ եղ ' զայդ անձինն ընդ պատուոյ :
Քեզ են , Գրական , առ քեզ բեմին իրաւունք ,
Յերաշխի վայն ես առնում ' զերծս յամենայն կուսակցաց .
Ե՛լ անդ աներկիւղ . կացջիր անձին քում պաշտպան :

Կայիտս (Ելանէ 'ի բնէն)

Ըզհուսկ զայս վերջին նրադ առ ձեզ խօսեցայց .
Թըշնամիք իմ , թըշնամիք ձեր , կընքեցին զիս 'ի մահ :
Եւ չնորհ կալայց ըզձէնջ զի ունկընդիր լեալ տա իս ,
Ոչ թողութեան մեռանել ինձ ընդ անուամբ վատութեան .
Զի վինչ այլ չարաշուք քաղաքացւոյ Հռովմայ բախտ ,
Քան 'ի թիւըս մեռելոց դրոշմիլ անուամբ բռնաւոր :
Ելցէ ինձ ընդ առաջ եղբարք ըստուեր բռնամահ ,
Կրտսեանք նախատանաց լի և վիրօք թաթաւուն
Տեսեալ զիս ' ձայնեացէ . Ոյր դրոշմեաց ձեռն յանձին քում
Զայդքանի կեղտ վնասուց , ո՞վ ըզպատառուածսրդ գործեաց :
Եւ զինչ , Հռովմայեցիք , յայնժամ ' առնել ինձ դարձուած .
Ասացից ' զի նոյն այն ձեռք ' չաղեալք յարեան քում յաւուրն '
Բոր ապախտ ժողովուրդըն զերախտեօքդ արարեալ ,
Լիք եթող զանկեալ ըզքեզ ընդ խուժադուժ հարուածովք ,
Որ ճեղքեալ պատառեցին պճակատդ , և քարչ ընդ ոստանն
Զիրան քոյին ձրգեալ , գազանացեալ մսկեցին
Ընդ ձիգ ասպարէզս հետս յարեանէդ ներկելով ,
Զինչ անարգ խոյնդոտըն դեռ յարեան ջերմն ըզդիդ

ի պըտոյոտըն Տիբերի արկին, որ թուխ կարմրաներկ
 Յառաջին քաղաքայնույ յարենէ՝ խոյս ետ 'ի ծով:
 Այլ և ոչ զեղկելիդ տրիբունական փըրկեաց բարձ,
 Որ զանձնըդ սըրբազան կացուցանէր յօրինաց.
 Նոյն այն ձեռք, ասացից, այո՛, պատրիկքն այն և զիս՝
 Պարտուոր ֆնասուցն այնմիկ՝ որ զքեզ բարձին 'ի կենաց,
 Եւ զիս բըռնաւոր ձայնեալ՝ հատին յարևէ.
 Ձիս՝ որ զանձն իսկ ողջամբ հառու 'ի նուէր հայրենեաց,
 Լոկ յօգուտ նըմին ծախեալ զուշ խորհըրդոցս ամենայն.
 Ձիս՝ որ զշըղթայս՝ յոր պարաւանդ կայր ամբօին
 Ի հուժկու աւապանոյն ձեռաց՝ լուծի խորտակեալ.
 Ձիս՝ որ զամբօխն բըռնաբարեալ զիրաւունս
 Ու նա զարծուցի զոյգ հայրենին կալուածոց,
 Ձիս զաղբատս և ռամկասէր, զբըռնաւորաց խոյթս յաւերժ,
 Եւ զիս բըռնաւոր... Ո՛վ ժողովուրդ գուհ չուովմայ,
 Ո՛հ, քանի այս դառնալթոյն վարձք որում քեզ ծառայէն:

Երրորդ քաղաքացի

Քաջ լեր, ո՛վ Գրակքէ. չէ ժողովուրդն ապաշնորհ.
 Յարև կենացս երգնում, բըռնաւոր ոչ սք զրէ զքեզ.
 Լեր անձին քում ջատագու՛յ, լեր արի, մի ինչ գողար:

Կայիոս

Դողալ աստանոր բըռնաւորաց է միայն.
 Հիմ՛, պատրիկ աղէ իյեմ՛ ես. դողայի ինչ արդեօք՝
 Յաւուր՝ յորում 'ի վտանդ ահեղ ըզզլուխ իմ՛ եղեալ.
 Երկրամէտ ազատութեանդ՝ յաւերժափառ օրինօք
 Ընկիճեալ կացի գլորման. և այժմ՛ իսկ նոյն ինքն եմ՛ ես,
 Ծանիր զիս, Հուովմ՛, ծանիր զիս՝ որ զամբօխ օրերոյդ
 Ազատ, ինքնիշխան և գերագահ ամբարձի՝
 Անիրաւ և բըռնաւոր ծերակուտին ախոյեան,
 Յեղեան ինչ արդեօք գրեսցես ինձ զայս, ժողովուրդ,
 Աղէ տո՛ք պատասխանի, իյեմ՛ յայսմիկ ֆնասապարտ:

Երրորդ քաղաքացի

Քաւ, մի. ամենեքին մեք թագաւոր եմք աստէն:

Երկրորդ քաղաքացի

Ձօրութիւն իշխանութեան բնաւ ամբօխն է 'ի ձեռս:

Առաջին քաղաքացի

Ծերակոյտըն գործագիր ևեթ կամացս, այլ ինչ ոչ:

Կայիոս

Թըշնամի ձեզ զիտասլիբ տպա՝ զոր ինձ 'ի յանցանա
Ըզձերդ ազատութիւն եդեալ, սըզայ յողբա առնու
Ըզննալինջ կորուսեալ վէս բըննութիւն պատրելաց,
Բազմեալ յատենի կային երիցս հարիւրեակ
Ծերա՛յլոյտ անդամոց կաշառակործ վատորեար.
Հըզօրին խըզեալ զօրէնս և կամ՝ գընէր զայն վարձու,
Իսկ յեղեռն աղբատութիւն գըրէր, զվատթար զայս օրէնս՝
Անհետ 'ի միջոյ բարձեալ զվարձկան զիրաւունս,
Երից հարիւրոց ընտրեալ եզի դատողաց
Խումբ հաւատարիմ՝ և անաշառ որերոյ,
Եւ բազօրոյ վըճուոյ նոցին ըզժողովուրդն արարի:
Արդ, հվ՝ ոք առաջի ձեր ամբաստան կալ զինէն
Ընդ գործ մի այսքանի սուրբ ժըպրհիցի աստանօր,
Նոյն ինքն Ոպիմիոս ոք, և նոքին իսկ ինքեանք
Չարագործքն այն, կուիրինեանք, յորոց բարձաւ անարգ շահ
Ի վաճառ ըզկեանրս ձեր և զընչից գոյսդ արկտնել...
Վաճ, եղունկ քեզ՝ թափուր և սին անուն լաւութեան,
Յառակ նըշաւակի եղեռնապարտ որերոյն.
Եւ հուր այլ ուրեք, տանդ, ըզգահդ ամբարձցես
Թէ՛ 'ի ծոց իսկ աստ Հռովմայ, թէ՛ 'ի բնավայր գից նորին՝
Չանուն յանցաւորի տանիս և կրես պատուհաս:

Ծեր մի յամբոխէն (մեղմիւ առ մերձագոյնն)

Շատ իսկ ճըշմարիտ է արդարեւ զոր ասէն.
Եռանդուն 'ի լաւութեան լինել վըտանդ է մեծ յոյժ.
Աստուած ոք 'ի շըրթանց նորին բարբառ արձակէ:

Կայիոս

Աստուածոցն գերագոյն շնորհիւ ծընեալս ես 'ի ծոց
Գեղանայն իտալիոյ, զիտալիա բնաւ կցորդս
Իրաւանց հռովմէական քաղաքացւոյ կայուցի.
Եւ 'ի բաց ըզգերութեան նորին զըզթայս ընկեցեալ
Ազատ և գերագոյն եզի ազգաց աշխարհի,
Դուք, Հռովմայեցիք, դուք առաջինք և ընտրեալքդ
Ի ծընունդս այսքանոյ մօր, ասասլիք աղէ դուք՝
Եղեռն ինչ զիտալականն ազատութիւն կոչիցէք:

Առաջին քաղաքացի

Քաւ, մի. իտալացիք եմք համօրէն, ազգ միակ,
Տոհմըն մի:

Ժողովուրդն

Խտալացիք ամենեքին և եղբարք :

Դէր մի

Ո՛վ քաղցրիկ աւաք, իմաստք աստուածախոհք և վրսեմ.
Աչք իմ յարտասուս առ խընդուլեանս ուռոյին :

Կայիտս

Ահա յունկն ինձ հաստնեն հռովմէական ձայնք վրսեմ,
Հուսկ զտրանց գերամեծար ահ՝ ականեմ՝ զարտասուս.
Այլ լուրեացոյ ծն սանձ արկեալ լուր զմեծ եղեռն իմ գլխորին,
Եւ մի խընդուլեան, այլ առ զայրոյթ բարկուլեան
Արտասուս կաթեցուցես, ով դու նենգեալ ժողովուրդ.
Աղէ զուլ մըտացդ առ իս կալիւր ՚ի լուր բարբառոյս :
Ընչոքաց ագահութեան անգուլ՝ աւագ որերոյն,
Ըզլմըշուառ քոյին ըզկեանսդ արկեալ ՚ի չափս համարոյ,
Բարձեալ էր զամենայն ինչ առ ՚ի քէն կողոպուտ,
Լսկ զոյիսդ եկեթ ՚ի գձուձ թողեալ յանդամբս մարմնոց.
Այլ իցիւ թէ գըթացեալ և զշունչդ ՚ի բաց քաղէին :
Թողին այս գլեանսդ ՚ի քեզ անգուլքն այն, աւանդ,
Չանրսպառ արտասուսդ արկեալ ՚ի խինդրս ծաղու.
Թողին ձեզ զսգիսդ՝ առ ընդ ակուր հարկանս ևս ունել :
Ընկճեալ զայնս և դերի կամ յարհամարհ ան ունել :
Հասց՝ ծն լուր, լուր ժողովուրդդ դու զմեծ եղեռն իմ գըմենայ
Ձոր ՚ի սուղ բանս հատանեմ՝ աստէն. չնորհել քեզ ըզքոյդ :
Տալ երկիր բաւական առ ՚ի հանդիստ դուզնաքեայ
Ի ծածկոյթ վաստակաբեկ և չարատանջ ոսկերացդ :
Ո՛հ, եղբարք իմ եղկիլիք. են գազանաց իսկ անձնիւր
Ի ժայռս և յանտառս որջ և կաղաղք ամրափակ,
Ուր խոնջ անդամովքն գայռան հեշտ ՚ի հանգիստ,
Ի ծաղր ըզզայրոյթ արկեալ զբնութեան տարերաց :
Իսկ դուք, Հռովմոյեցիք, դուք որ ըզկիսանս կամակար
Ընդ զինուք ծանրաբեռնեալ տայք հայրենեաց վասն ՚ի մահ,
՚Խուք իշխողդդ աշխարհաց, զէնչ յաշխարհի աստ ունիլ՝
Ա՛յլ զօք միայն և զշող լուսոյ՝ զոր չիք հնար բառնալ :
Մինչ թափուա ընդ գիւղորէս, սովորելուկ նըւաղեալք
Մընդեալ ամուսինք, ծիւրեալ որդիք մերկանդամ,
Պար առեալ զձեօք ողորմահեծ և սըխուր
Հաց հաց պաղատին ՚ի ձէնջ. անդուստ անուպայքն
Արպեայք ծիրանաւորք՝ չուրջ բոլորեալ զսեղանով՝
Փափկացեալք փեսկեննեան ՚ի նուագս երգոց մեղկաշունչ,

Պարարին գինէհարեալք 'ի փալեռնեան լի բաժակս ,
Մըցոեալք 'ի փափուկ խորտկաց յանարգ հնչտութիւնս ,
Այլ ձեր է այն արիւն , զոր ոչ յաղուրդ բաւական՝
Լափելչ որովայնք նոցին ծըծնն ցըվախճան .
Արիւն ձեր ապարանքն 'ի շողշողուն չըքեղ փայլս ,
Նըւազն ոսկեղէնք , բուրմունք խընկոցն արուայիկ ,
Ծիրանիքըն Ուղտի , ալեքսանդրեան գորգք փափուկք .
Արիւն ձեր անդաստանքն , ալքեան հովսեփք պերճաշուք ,
Պառկուլեան ամարասաունք և տիբուրտեան գորգարանք ,
Ֆատկերքըն նըկարէն , սրւնքն և աղնիւ կուռ կըճեայք ,
Եւ համայն՝ որ զհնչտ հանգիստ նոցին զըգուեալ պարարէն՝
Հեր է այն արիւն , զոր յորդարուխ վըսակօք՝
Ի մարտըս թըշնամի սուսեր քամեաց 'ի ծոցոյդ .
Ձեն նոցա՝ բայց եղբուրնք ևեթ իւրեանց սեփականք :
Ո՛վ անգութ , ո՛վ ամբարիշտ սըրտիւ պատրիկք անողորմ .
Իսկ մարտից ապա 'ի դաշտս Արիսեան տուկ 'ի տանջանս՝
Ըստամբակս իշխեն և վատ ըզձեզ ձայնել անպատկառ .
Նոյն նոքին՝ որոց համայն արեւելից զեղխութեամբք
Մեղիեալ թուլացուցին ըզլտտինեան ժուժկալ բարս ,
Եւ զողջոյն բանակ զօրուն 'ի խառնագնաց լուծին կեանս :
Նոյն նոքին՝ որոց լափեալ զհասարակաց դանձուն կոյտս
Ըստրուկ ժողովըրդոց և զպետութեան մրթերից ,
Լըքեալ սովամահք ըզզօրականըն թողին ,
Եղկելի զնա կացուցեալ այնուիկ և դող , յուսահատ :
Այլ և յայտր ամենայնի վերայ՝ իշխեն քըրթմընջել
Եղծեալ զօրականին ըզհինաւուրցըն զօրէնս ,
Այլ և յայտր ամենայնի վերայ՝ 'ի խռան մարտամբոխ
Քաշալերս առ ձեզ գոշեն . Հապ՝ ծն խրախոյս առ 'ի մարտ
Հայրենեաց վտան աստուածոց , վտաըն շիրմաց հարց ձերոց :
Այլ ո՛վ զք , եղկելիք գաւք , ոյր ուրաք առ 'ի ձէնջ
Վառարան գուցէ , սեղան կամ գամբանայ վէճ անարգ :

Ժողովուրդ (բարձրաձայն աղաղակօք)

Ոչ ուրուք , քաւ , ոչ ումեք :

Կայիոս

Ձի ձեզ տպա ,

Կամ ընդէր գնայք դուք 'ի մահ . ո՛հ , և վտան ոյր խոցուածքք այդ
Ձոր բուսոր 'ի նիշ արեան և լայնաճախ սոր վիրօք՝
Պատառուն ընդ զըրզլեա՛սըդ դիտեն աչք իմ՝ չողալ :
Ո՛հ , տայր զք ըզնոսին առ 'ի համբոյր ինձ չըրթանց .
Գորովիմ , ո՛հ , 'ի տեսիլդ յայդ , որ և բուռն ինձ առնէ

Մըռընչել առ զպրոյթ ցամանս և զլաց հարկանել,

Երկրորդ քաղաքացի

Ո՛վ կայիտս եղկելի. արտասուէ նա, վառն մեր արտասուէ,
Սիրտ վեհանձն.

Երրորդ քաղաքացի

Այլ ծանրագնի լիցի լացն այն պատրեկաց:

Փռչուշիտս

Հապ՝ օն ծանրագնի լիցի, և զի՛ կայք, ընկերք,
Ահա ժամ... օն ձեռն 'ի զէն, խրախոյս, եկայք զիմ կրնի:

Կայիտս

Կուիրինեանք...

Առաջին քաղաքացի

Կացջիք, խօսել առնու, կացջիք, լուռ լերուք:

Կայիտս

Եղբարք իմ, եղբրանց իմոյ գիտակք էք այժմիկ,
Ի վրէժ նոյին Հապ՝ օն վառնցարուք, հարէք զիս.
Ի ձեզ զեղկելիս զայս լըբանեմ ըզմարմին,
Ընդ քարշ 'ի պողոտայս ամջիք արեամբ թաթառուչ,
Խայտասցէ Ոպիմիտ՝ ընդ մահ իմ գոհ պանծասցի,
Տանջանօք սիրելոյդ զիջցին մուլացք իւր ցասման:
Ոչ նոր ինչ զազգին իմոյ ուղիք լատինեանք
Տեսանել ունիցին զարիւնոռոգ կոտորած.
Ոչ նոր ինչ Տիրերեայ լիցի ալեաց բարեգութ՝
Ըզգրակեցանց 'ի յորձանս իւր խորասոյղ տալ զանդամն.
Իւ ոչ նոր ինչ մայր նոցին ելցէ ափանց 'ի խընդիր՝
Պատառուռ և կեղեքեալ մարմնոյ սրգւոյն առ 'ի գիւտ...
Այլ, ճհ, հայրենիք իմ, երանի թէ մեռեալ...

Երրորդ քաղաքացի

Մի գու քեզ. այլ կեցցես. մեռցի՛, մեռցի՛ Ոպիմէ՛:

Ոպիմիտս

Ի վեր ըզտապարսդ օն ամբարձէք, սակրաւորք.
Խոցեալիք զսր միանգամ՝ յանդըզնիցին խիզախեալ¹:

1. Դաւաճանք կենաց Ոպիմեայ մուկէին կրկնեն և երեքկնեն զվերջին բանսդ:

2. Անտիլիոս՝ գնդապետ սակրաւորաց, առաջնորդ խմբի իւրում անցեալ, և 'ի վեր զտապարսն մերկացեալ ընդդէմ գնայ ամբոխին գողչեով՝ ի բաց 'ի բաց:

Փռչոյնիտ

Զազիր դու սպասեակ՝ բըռնաւորի զազրագործ ,
Օ՛ն մեռիր դու զառաջին ուրեմն ¹,

Կայիտ

Այ, զինչ գործեցէք ²,

Փռչոյնիտ

Օ՛ն, առէք խրախոյս . մեռցի Ոսկիմիտ ³,

Ժողովուրդն

Մեռցի նա .

Կայիտ

Կեցցիք դուք ⁴, և կամ զիս աստ ընդ նրմին ըսպանէք .
Եւ զինչ, զ՛ն . չըզուցեն ինչ այլ ուղիք ձեզ անվրէպք
Վրիժուց կամ վրրկութեան՝ քան զճանապարհ եղբրանց ,
Աստուածովքն , առ Ոսկիմիտ , առ ծերակոյտըն խողէք
Ըզպաշատն դահճաց . օրէնք և ոչ արին , Կուիրինեանք ,
Ի բաց ըզգայրոյթդ արկէք , ՚ի բաց զայդ ցասումն ,
Ի պատեանս ըզսուսերդ , և զամսի չարերուք
Ընդ միլի կատաղութիւնդ , որ զաչացուս արարեալ՝
Ընդ ուղի սպանչաց ըզձեզ հարազատիս իմ քարչէ :

Երրորդ քաղաքացի

Վրէժ կամիմք :

Կայիտ

Եւ կայցուք զայն : — Լուր դու ինձ , ո՞վ բրդեալիս ,
Եւ ՚ի վեր զհաբեկ պակուցեալ գէմնդ կալիր :
Ժրպրհեցար դու զօրինացն եղծանել զվեհ սրբութիւն .
Ամբաստան ուրեմն ըզքէն կամ զհայրենեաց թըշնամոյ .
Եւ այն ինչ յաւարտ հասցէ պաշտօնդ այդ քո մեծ ,
Բարձ քրդեշխութեանդ՝ որ սուրբ արդ զանձնդ գործէ ,
Ես Կայիտ Գրակքոս կոչեմ ըզքեզ յատեան այսր ՚ի դատ ,
Առ քում դատաւորիս , առ վրէժխընդիրն յանցանաց ,
Տալ ըզքէն և ըզգործոցդ համար , առնուլ պատուհաս :
— Այր ոք այր , Հովմայեցիք , կացցէ ՚ի ձէնջ աստ ՚ի լուռ .
Եւ մի բնաւ ումեք ձայն նախատանաց ամբառնալ .
Ամբոխին լուծիւն՝ առ բռունն է խրատ անել սոսկալի .
Հապ՝ զ՛ն մեկնեալիք խաղաղութեամբ դուք ՚ի բաց :

1. Անհանի Անտիկոս խոց բազմաթիւ վիրոք :

2. Ի վայր վազելով ՚ի բեմէն :

3. Առ դաւակիցան :

4. Ընդ մեջ մեռեալ Ոսկիմիտ և դաւակեցան :

Ըզհըպարտըս զայս գերի մատնեալ 'ի խայթըս խըղճին ¹ :

Փռշոշոշոս (մեկուսի)

Ով անմիտ լաւութիւն, ով վատասիրտ զըթութեանս .

ի ձեռն Գրակքեայ՝ Ոպիմիոս կենդանի . . .

Ո՛հ, արիւն ինձ այլ խընդրեմ, արեան վառի յիս ծարաւ,
եւ երկաթս այս ինձ արիւն տայէ թէ ոչ զայլոց . . . զիմ:

ՏԵՍԻԼ ԶՈՐՐՈՐԴ

ՈՊԻՄԻՈՍ, ԴՐՈՒՍՈՍ, ԾԵՐԱԿՈՅՏՔ ԵՒ ՍԱԿՐԱՒՈՐՔ

Դրոշուս

Ո՛հ, և զի գեռ լուռ կայցես, խեթիւ հայիս և մռնչես .

Դու նմա զմահ խընդրէիր, և նա քեզ կեանքս շնորհէ .

Եւ զի՛նչ յետ այսքանի արդ երախտեաց խորհիցիս :

Ոպիմիոս

Ըզվրէժ:

Դրոշուս

Եւ կամիցիս դու զԳրակքեայ . . .

Ոպիմիոս

Զմեռանել: —

Լուր ինձ, Հռաբիրիէ :

Դրոշուս (մեկուսի)

Համակ 'ի միտ արդ առնում՝

Զի՛նչ Ոպիմիոս և սիրտ 'ի նմա որպիսի:

Ոպիմիոս (առ Հռաբիրիոս, որ մեկնի նոյննետայն)

Փութասջիր լընուլ զպատուէր իմ: — Զհայրենիս թէ սիրէք՝

Պատրաստ ինձ կացջիք, տրիբունք: — Լուարիք, ծերակոյտք:

(Մեկնի, գաղտնի շընչելով ընդ ծերակոյտ առագանջոյն)

1. Մէկնի, և ամբոխն զհետ նորա ելանէ ցածուն հանդարտութեամբ:

Զորորդ Հանդես յառաջիկայս:

Թարգմ. Հ. ԱԹԵՆԱՍ ՏԻՐՈՅԵԱՆ